

蒙化鄉土志  
卷上



04/02/2007

160766

462

蒙化鄉土志總目

第一卷

歷史

第二卷

政績錄

第三卷

兵事錄

第四卷

耆舊錄

第五卷

人類

第六卷

戶口

第七卷

雲南昆  
明  
圖書館  
藏

04/02/2007

04/02/2007

氏族

第八卷

宗教

第九卷

實業

第十卷

地理

第十一卷

山

第十二卷

水

第十三卷

道路

第十四卷

物產

第十五卷

商務

04/02/2007

歷史

政績錄

興利

去害

聽訟

兵事錄

耆舊錄

事業

學問

附名宦

鄉賢

表忠

忠烈

報忠

昭忠

節孝各祠

蒙化置自唐開元間初為羅羅摩及濮落蠻地唐虞  
 三代其詳不可得而聞矣戰國時楚莊躋略地至滇  
 因據而王之蒙屬楚漢武帝元光間置益州郡蒙為  
 邪龍縣屬益州東漢明帝永平十二年置永昌郡蒙  
 隸永昌後漢隸雲南郡晉武帝泰始七年分益州置

寧州蒙隸寧州宋因之齊為雅龍縣隸雲南郡梁陳  
 廢隋未置唐貞觀二十三年細邏據南詔僭號大  
 蒙國置偽都於蒙舍川永徽四年授奴邏為魏州刺  
 史隸姚州都督府開元中授閣羅鳳兼陽瓜州刺史  
 後勅置陽瓜州於蒙舍川授鳳伽異為上卿兼陽瓜  
 州刺史宋段氏改設開南縣元憲宗七年置蒙舍千  
 戶所至元十一年改蒙化為府十四年陞為路二十

04/02/2007

年降為州復隸大理路又設定邊縣隸鎮南州二十四年裁縣入州明仍元制設蒙化州復置定邊縣屬楚雄府洪武二十三年築蒙化城正統十三年陞為府以土官知府事設流官通判萬曆間改通判為同知掌府印

國初因之雍正七年裁楚雄府屬之定邊縣入蒙化乾隆三十六年以府例不合改直隸廳

興利

夏廷燮字理亭貴州麻哈諸生也以軍功歷官會澤  
霑益等州縣光緒二年除蒙化廳丞性警敏善記紳  
民一見逾十年輒無忘者時承平未久民弗知學廷  
燮增設文華學古兩書院撥逆產數百餘畝為薪火  
資宏獎人才士風丕變又修葺文廟備祭器興佾舞

每春秋仲丁率諸生行釋菜禮整齊嚴肅彬彬然有  
禮樂之意其明年委紳丈田畝繪圖為魚鱗冊存檔  
先是兵燹後民間契券多遺失回漢戶口又淆混往  
往因田土興訟至是始清民券無者給以照閱二十  
餘月而事迺竣七年任滿赴部引見仍飭歸本任於  
是植桑秧給民分種戶十株間田隙地殆遍以活否  
為賞罰其時民智未開恆怨望甫年餘去任概拔棄

04/02/2007

之存者十之二三十一  
年廷變復蒞蒙設機房  
借川工教績織禁民間  
賣短窄布悉易為川式  
凡地方利弊興除之不  
遺餘力十七年權楚雄  
府至二十年再回任尋  
因事被議去害

劉作沛馬平人萬曆間  
以提舉權蒙化蒙自洪  
武中隸版圖迄二百餘  
年賦稅無定則恆按里  
甲而苛徵之雜派尤甚  
作沛蒞任始極力清剔  
悉易為條編民甚便之

陸葆字少逸浙江舉人  
道光二十九年權蒙化  
多惠政初蒙化田賦自  
康熙五年蔣丞旭詳定  
章程民賦立蒙城新興  
安遠三鄉分三十五里  
屯賦立在城白崖小雲  
南三川分一十五所里有  
甲所有伍催辦戶首年  
按甲伍輪充設冊書一人  
掌底冊總花戶折糧

換戶及發報戶首之事行之既久書吏翫法恆擇肥

04/02/2007

充役訛詐資財賄免者半之而無賴紳衿又包攬規  
避於是有嚇冊書之名過里過甲過所過伍之弊葆  
下車即飭紳士之廉正者任其事攤平里甲清釐諸  
弊凡有害民者均除去之訂為板冊存儲檔案甫逾  
年即解任去惜南澗五里未及舉行云

聽訟

卞庶疑江蘇高郵舉人午橋其字也賦性方嚴人莫  
能干又木強恆以直忤大府光緒十年以景東同知  
權蒙化事清慎而勤廉尤長於讞獄凡三八放告訟  
者必親詣投狀兩造集堂下狀齊以次剖斷小者即  
釋令歸次則置之法誣坐實准或杖或笞皆如律判  
訖當堂取結吏役無間需索咸詛之由是人莫敢欺  
亦無呼屈者八月卞文炳拖八十一等與道人童元

1004/02/2007  
冒明後者謀不軌通大理趙州永平諸

無賴約中秋夜共襲城庶凝先期踪跡得之誘拘文  
炳等至則一鞠而服獲其名籍隸蒙化者三百餘付  
諸火事遂破執送文炳等十三人赴大理殺之得全  
活者無算人以此服其神故終其任無留獄無冤民

洪武二十一年緬酋刀思倫遣部將刀思郎悉衆三十萬象百隻寇定邊黔國公沐英率選鋒二萬擊之迭戰而翼以砲銃象奔賊大敗斬首三萬俘萬餘獲象四十七隻

順治二年乙酉沙定洲反率衆追明黔國公沐天波至楚雄城閉不得入遣其黨李日芳分寇蒙化陷之屠殺以萬計

嘉慶二年三月二十三日鄉民余黑鬚等因鹽致變與太和鄧川趙州永北雲南鶴慶浪穹楚雄大姚元謀定遠祿豐等處同日反先是滇鹽係官銷井丁雖違例賣私尚不大害自提舉某在本井攬和灰土溢報餘鹽倍正額王者善之於是銷鹽之地以餘鹽多寡為殿最每屬設一司事壓之充是役者恆賠累傾

04/02/2007

家人謂之黑鹽頭於是按戶分攤計口授食有添一  
丁者三日必報官如數壓以鹽否則罰民屢訴之大  
府皆左袒於是地方官益以民為仇往往有因追比  
而立斃於庭羈死於獄者黑鬚等始聚眾縛官親門  
丁蠹書克役及本地紳衿之為害者挖眼折足或積  
薪焚之惟不戕官後事平殺黑鬚等七人徙數人黑  
鬚名士登其髭多漆色而光潤故呼為黑鬚云

道光二十七年丁未馬某混名大白象率獮匪三百  
餘人由錫泥廠道魯史至子午約之朵阿村廳丞張  
錦率胥役往計散之有馬小七者賊中之尤狡者也  
手刃欲殺錦錦曰爾欲殺官耶官不止我殺我後復  
有繼者繼者去則繼者又來爾能盡之耶且爾等亦  
不得已豈甘為匪者其各歸農我給爾路資但須報  
名人給銀三金賊默然給訖焚其籍賊不疑遂解散

錦州紀略卷之二  
04/02/2007  
者歸嚴緝之獲大白象馬小七等數  
人皆斬首

咸豐六年丙辰蘇輝祖羅朝鳳等搗竿薄蒙化城先  
是戶書加徵折米股剝過甚民不堪其苦有經歷門  
丁王榮慙息輝祖輝祖因乘眾怒合窮民百餘聚南  
庄塘旋率眾持田器至城值吏役房舍即折瓦削柱  
擄其財鄧丞國暄聞變閉四門眾以田器擊西城內

有一携火槍者向空演之尋各散去鄧丞星夜稟巡  
道越三日提標中衛槐亮率兵至杳無人會有前戶  
書李懷玉家居輝祖等率眾毀其舍懷玉匿暗處記  
其姓名至是單呈署因按單緝捕株連至三四百人  
分禁姚州鎮南太和趙州雲縣鄧川浪穹各獄以次  
斬絞

八月姚州賊僕光明戕其州牧普據城提督聞統兵

04/02/2007

征之雲州賊蔡得春出援率無賴四百餘人至神舟  
渡欲濟左慶輝集鄉勇力禦之弗克濟賊紆道下渡  
取竹編作筏夜浮而過營羅求新山寺廩生趙澤芳  
增生張星煒義民畢勸武生楊繩祖等齊鄉兵萬餘  
人圍數匝旋因回紳武舉丁開先說鄧丞回漢相保  
鄧惑其言遽令解散閉城假以道賊由南門外轉而  
東宿北門外之回營明日出彌渡尋過雲縣入姚州  
逾年遂有丁巳之變

丁巳六月二十九日偽揚威大都督蔡得春自大理  
移師寇蒙化圍周數匝鄧丞募川練二百人禦之環  
守四城復以巨石塞其門禁民出入城中困甚男子  
登陴婦女運磚石月餘未下賊復以地砲震四城墻  
墻圯民以桌橙衾枕塞其缺尋槍斃賊兄逢春賊怒  
攻益急川練應之賊遂由西墻缺口入城因陷是役

04/02/2007

也門既塞民不得出皆效死自焚懸樑投井被殺者約十餘萬人千總王開錡恩騎尉左慶年舉人蘇佩芸優貢趙江皆死之

己未十月十一日舉人楊懋招集鄉勇二千餘復蒙化不克城陷懋匿鄉村及提督褚克昌軍彌渡懋往投之命叅將王有才會師攻蒙次安樂堤懋集鄉兵由蘇家寺小村等處抵土官村有才亦率所部抵先

覺村會賊首蔡得春援師至自順甯遂敗績懋奔楚雄後為賊擒去質其母授以偽職

同治六年丁卯八月十五日義民茶鳳山率鄉兵四五百人復蒙化師抵菜園河先是鳳山與偽將軍茶尚清約為內應尋尚清爽約鳳山因敗績

八年己巳十一月初六日協鎮劉興王鍾祥率師復蒙化興分攻大小圍埂鍾祥攻城尋鍾祥援大小圍

04/02/2007 堧 劉重慶視其軍時潘八克南澗偽大

司直以公即應呂某越五月餘偽大司衡楊榮來援  
官兵敗績公即南澗復相繼陷於賊

十一年壬申五月十六日騰越鎮李維述率兵復蒙  
化師次中南庄會開化鎮楊玉科於十八日兵由下  
關至連戰皆捷日晡臨城下偽都督馬永盛內應玉  
科遂克之尋取大理十二月除夕復移師克大小圍

堧先是蒙化平巡撫岑毓英遣裨將十餘人兵萬餘  
取大小圍堧圍攻五月賊負固不能下玉科至始平  
之